



**UDRUŽENJE GRAĐANA SPORTSKIH
RIBOLOVACA «BISTRO» ZENICA**

ZENICA

BULEVAR KULINA BANA 32. , 72 000 ZENICA

tel/fax +387 32 242 212, e-mail bistroze@yahoo.com

TRANSAKCIJSKI RAČUN: 3389002200293108 UNI CREDIT BANK

P R A V I L N I K

O RADU SUDIJSKE KOMISIJE UGSR „BISTRO“ ZENICA

ZENICA, DECEMBAR 2012.

Na temelju člana 24. Statuta UGSR „Bistro“ Zenica i Opštih pravila organizovanja Sportsko ribolovnih takmičenja u BiH, Upravni odbor Udruženja je na svojoj XI sjednici održanoj dana 06.12.2012. godine donosi:

P R A V I L N I K

O RADU SUDIJSKE KOMISIJE UGSR „BISTRO“ ZENICA

Član 1.

Ovim Pravilnikom se reguliše rad, organizacija, obaveze i nadležnosti Sudijske komisije Udruženja Građana Sportskih Ribolovaca “Bistro” Zenica (u daljem tekstu: UGSR “Bistro” Zenica).

Član 2.

Sudijska komisija je operativni organ Upravnog odbora i organizuje se u skladu sa odredbama Statuta UGSR “Bistro” Zenica, a zadužena je za provođenje Sportsko ribolovnih takmičenja u organizaciji Udruženja. Sudijsku komisiju bira Upravni odbor UGSR “Bistro” Zenica, a mandat članova komisije je 4 (četiri) godine uz mogućnost ponovnog izbora.

Član 3.

Komisija broji 3 (tri) člana:

1. Predsjednik Komisije;
2. Dopredsjednik;
3. Član.

Predsjednika komisije imenuje Upravni odbor Udruženja. Druga dva člana također imenuje Upravni odbor, ali na prijedlog sudijske komisije u proširenom sastavu.

Navedena komisija se bira iz reda licenciranih sudija Udruženja vodeći računa da su to sudije većeg ranga.

Član 4.

Sjednica Sudijske komisije se održava po potrebi ili na zahtjev Upravnog odbora Udruženja.

Sjednicu Sudijske komisije saziva Predsjednik, a u slučaju njegove spriječenosti sjednicu može sazvati i dopredsjednik. Komisija ima kvorum ako su na sjednici prisutna 2 (dva) člana komisije.

Sudijska komisija donosi odluke, zaključke i stavove većinom glasova prisutnih članova, a glasanje je javno i obavlja se dizanjem ruku ili pojedinačno na način da se članovi o prijedlogu izjašnjavaju sa “za”, “protiv” ili “uzdržan”.

Sudijska komisija može odlučivati da se o pojedinim tačkama dnevnog reda sprovede tajno glasanje.

Član 5.

Ukoliko se na dnevnom redu nalaze veoma bitna pitanja vezana za rad Sudijske komisije, Predsjednik komisije je dužan sazvati sjednicu u proširenom sastavu. Pod ovakvom sjednicom se podrazumijeva sjednica na koju će biti pozvani svi licencirani sudci Udruženja (U daljem tekstu: “Sudijska organizacija Udruženja”).

Član 6.

Na sjednicama iz člana 5. ovog Pravilnika se punovažno raspravlja i odlučuje ako na sjednici prisustvuje nadpolovična većina licenciranih sudija. Odluke i zaključci su usvojeni ako za njih glasa 2/3 prisutnih članova.

Član 7.

Osnovni zadaci i obaveze Sudijske komisije Udruženja:

1. Razmatra Kalendar Takmičenja i angažman sudija na takmičenjima u organizaciji SRS BiH i SRS FBiH;
2. Svake godine organizuje sudijsku edukaciju i informiše sve licencirane sudije Udruženja o izmjenama i dopunama Pravilnika o sportsko ribolovnim takmičenjima, propozicijama takmičenja u tekućoj godini i obavještava ih o njihovom angažmanu na pojedinim takmičenjima;
3. Razmatra prijedloge kandidata za polaganje sudijskog ispita za “C” kategoriju dostavljene od Takmičarske komisije Udruženja. Ukoliko se usvoji prijedlog kandidat mora stažirati 1 godinu, nakon čega će komisija donijeti odluku da li je kandidat zadovoljio ili ne. Ako je kandidat zadovoljio komisija šalje prijedlog Upravnom odboru da polaže sudijski ispit.

4. Prati rad sudija na društvenim takmičenjima i vrši ocjenjivanje istog. Na osnovu ocjena komisije na sjednici Sudijske organizacije se donosi odluka koji sudija je zadovoljio da polaže za viši sudijski rang.
5. U saradnji sa Upravnim odborom i Takmičarskom komisijom Udruženja organizuje Društvena takmičenja u svim disciplinama i na istim sudi bez ikakve novčane nadoknade;
6. Krajem tekuće godine izrađuje Plan rada i specifikaciju neophodnih troškova komisije za narednu godinu;
7. Podnosi godišnji izvještaj o svom radu Upravnom odboru Udruženja na razmatranje i usvajanje;
8. Radi i druge poslove u skladu sa Statutom i odlukama Skupštine i Upravnog odbora Udruženja.

Član 8.

Upravni odbor Udruženja će za sve aktivne sudije izvršiti uplatu godišnje sudijske članarine SRS F BiH, a Sudijska organizacije će donijeti odluku o broju i imenima aktivnih sudija za koje treba izvršiti uplatu članarine.

Član 9.

Iz Sudijske organizacije će biti isključene sudije koje:

- ne dolaze na zakazane sjednice i suđenja;
- bave nesportskim ribolovom;
- ne primjenjuju Pravilnik o sportsko ribolovnim takmičenjima SRS BiH;
- ne poštuju Pravilnik o radu sudijske organizacije Udruženja.

Prijedlog isključenja daje Sudijska komisija, a odluku o isključenju sudije donosi Sudijska organizacija Udruženja.

Član 10.

Ovaj Pravilnik stupa na snagu danom usvajanja na sjednici Upravnog odbora i njegovim usvajanjem prestaje da važi ranije donesen Pravilnik o radu Sudijske komisije Udruženja.

Zenica, 06.12.2012. godina

Predsjednik Upravnog odbora:

Ivanković Vladimir